

IZVOD IZ ZAPISNIKA
Sa 4. sjednice Gradske izborne komisije Prijedor
održane 14.6.2022. godine sa početkom u 13,00 časova

Ispred GIK Prijedor sjednici su prisustvovali: predsjednik Gradske izborne komisije Željko Škondrić i članovi Alma Bektić, Nada Zorić, Admira Kličić, Saša Bajrić, Branko Anđić i Želimir Kos.

Predsjednik Gradske izborne komisije predlaže sljedeći dnevni red:

1. Pregled pristigle dokumentacije po Javnom oglasu za kontrolore izbornih rezultata i zakazivanje intervjua za prijavljene kandidate;
2. Utvrđivanje liste pitanja za intervju za kandidate prijavljene po Javnom oglasu za kontrolore izbornih rezultata;
3. Pregled pristigle dokumentacije po Javnom oglasu za izbor kandidata za popunu rezervnog spiska kvalifikovanih osoba za imenovanje članova biračkih odbora/mobilnog tima/tima za otvaranje vreća i brojanje glasačkih listića u cilju pravilnog objedinjavanja izbornih rezultata.
4. Prijedlog Odluke o određivanju nosioca poslova unosa podataka nakon zatvaranja biračkih mjesta.
5. Ostala pitanja

Dnevni red je jednoglasno usvojen.

Ad1. Izborna komisija je izvršila pregledanje prijave kandidata na Javni oglas za kontrolore izbornih rezultata i konstatovala da se u propisanom roku na Javni oglas prijavilo 3 kandidata. Neblagovremenih prijava nije bilo. Nakon izvršenog pregleda prijava, Izborna komisija je izvršila klasifikaciju kandidata i konstatovala da svi kandidati ispunjavaju uslove tražene Javnim oglasom. Izborna komisija je nakon izvršenog pregleda prijava odlučila da se zakaže intervju za kandidate koji ispunjavaju uslove prijavljene po Javnom oglasu za kontrolore izbornih rezultata za dan (ČETVRTAK) 16.6.2022. godine u 8:00 sati, te da se zadužuje član Izborne komisije Alma Bektić da uputi poziv kandidatima za intervju.

Komisija će obaviti intervju sa licima koja ispunjavaju uslove Javnog oglasa, nakon čega će imenovati kontrolore i Rješenje kojim se imenuju kontrolori dostaviti Centralnoj izbornoj komisiji u skladu sa članom 69. stav 3. Pravilnika o provođenju izbora u Bosni i Hercegovini ("Službeni glasnik Bosne i Hercegovine" br.27/22)

Ad2. Izborna komisija utvrdila je listu pitanja za intervju za kandidate prijavljene po Javnom oglasu za kontrolore izbornih rezultata.

Komisija je nadalje utvrdila sistem bodovanja kandidata na način da svaki član Komisije vrši ocjenjivanje kandidata od 1 do 5, te na osnovu ukupnog zbira dobijena prosječna ocjena za svakog kandidata.

Prosječna ocjena za svakog kandidata biće osnov za utvrđivanje rang liste kandidata za imenovanje kontrolora.

Ad3. Izborna komisija je izvršila pregledanje prijava kandidata na Javni oglas za izbor kandidata za popunu rezervnog spiska kvalifikovanih osoba za imenovanje članova biračkih odbora/mobilnog tima/tima za otvaranje vreća i brojanje glasačkih listića u cilju pravilnog objedinjavanja izbornih rezultata i konstatovala da se u propisanom roku na Javni oglas prijavilo 95 kandidata. Neblagovremenih prijava nije bilo. Nakon izvršenog pregleda prijava, Izborna komisija je izvršila klasifikaciju kandidata i konstatovala da svi kandidati ispunjavaju opšte i posebne uslove tražene Javnim oglasom. Svaki kandidat je popunio i svojeručno potpisao Obrazac SG-3 koji je tražen Javnim oglasom kao potrebna dokumentacija za prijavu na Javni oglas.

Izborna komisija je nakon izvršenog pregleda prijava odlučila da se prijavljeni kandidati imenuju Rješenjem u skladu sa članom 11. Pravilnika o utvrđivanju kvalifikacija i postupku imenovanja članova biračkih odbora ("Službeni glasnik Bosne i Hercegovine" br.27/22). Izborna komisija će rezervni spisak staviti javnosti na uvid na oglasnoj ploči grada Prijedor i na zvaničnoj internet stranici Grada Prijedora, „Izbori 2022“ u dijelu obavještenja Gradske izborne komisije.

Ad4. Članovi Izborne komisije jednoglasno su donijeli odluku da se nosilac poslova unosa podataka nakon zatvaranja biračkih mjesta izabere putem Javne nabavke uz uslove koje odredi Gradska izborna komisija u skladu sa Planom javnih nabavki i Finansijskim planom GIK za 2022. godinu.

Sastanak GIK-a završen je u 13:40 časova.

Izvod iz zapisnika sastavila:

Alma Bektić



PREDSJEDNIK GRADSKJE IZBORNE KOMISIJE



Željko Škondrić